

გორის მუნიციპალიტეტის საკრებულოს წევრის გიგა გელაშვილის
2021 წლის 3 დეკემბრიდან 2022 წლის 30 სექტემბრის ჩათვლით გაწეული საქმიანობის
ანგარიში

2021 წლის 3 დეკემბრიდან 2022 წლის 30 სექტემბრის ჩათვლით დავესწარი გორის მუნიციპალიტეტის საკრებულოს 15 სხდომას და მონაწილეობა მივიღე 213 საკითხის განხილვაში.

ვარ ფრაქცია „ქართული ოცნება-დემოკრატიული საქართველოს“ თავმჯდომარის მოადგილე. დავესწარი ფრაქციის 9 სხდომა და მონაწილეობა მივიღე 134 საკითხის განხილვაში.

ჯანდაცვის, განათლების, სპორტის, კულტურის და სოციალურ საკითხთა კომისიის წევრი დავესწარი 5 სხდომას და მონაწილეობა მივიღე 12 საკითხის განხილვაში. ასევე ვარ სამანდატო, საპროცედურო საკითხთა და ეთიკის კომისიის წევრი, დავესწარი კომისიის 5 სხდომას და მონაწილეობა მივიღე 16 საკითხის განხილვაში.

მთელი წლის განმავლობაში სისტემატიურად ვხვდები ჩემს ამომრჩეველს როგორც საკრებულოს პროპორციული წევრი. ასევე, პერიოდულად დავესწარი სახვადასხვა სახის ღონისძიებებს.

- სისტემატიურად ვეცნობოდი ქალაქში მიმდინარე ინფრასტრუქტურულ სამუშაოებს, მოვიწახლეთე „ახალბაღის“ პარკის რეაბილიტაციის სამუშაოები, თუ როგორ მიმდინარეობდა სამუშაო პროცესი.
- ასევე შევხვდი კომბინატის დასახლებაში მცხოვრებ მოსახლეობას ჩემს კოლეგებთან ერთად, სადაც მოსახლეობის წარმომადგენლებმა, ითხოვეს დახმარება, რომელთაც საცხოვრებელი კორპუსის სახურავი აქვთ დაზიანებული და დახმარებას საჭიროებენ.
- ჩემი ინიციატივით ჩატარდა საინიციატივო კამპანია „ახალგაზრდები უკრაინისთვის“ და აქტიურ ახალგაზრდებთან და საკრებულოს წევრებთან ერთად შევაგროვეთ ჰუმანიტარული დახმარება, რომელიც შემდგომში გაიგზავნა უკრაინაში. ამავე კამპანიის ფარგლებში დავეხმარეთ მუნიციპალიტეტში მცხოვრებ სოციალურად დაუცველ ოჯახებს.
- მიმდინარე წელს ვიმყოფებოდი გორის სახელმწიფო უნივერსიტეტში, სადაც გაიმართა ახალი სასწავლო წლის დაწყებასთან დაკავშირებით მიმდინილი ღონისძიება, რის შემდეგაც სამართლმცოდნეობის სპეციალობის პირველკურსელებს სამახსოვროდ გადავეცი წიგნები, საპარლამენტო უმრავლესობის ლიდერის ბატონ ირაკლი კობახიძის ავტორობით.
- ასევე ჩემი ინიციატივით, საკრებულოს წევრებთან ერთად შევხვდით ევროპის ჩემპიონატზე მედლების მომპოვებელ გორელ სუმოისტებს და მათ მწვრთნელებს.

შეხვედრაზე, ვისაუბრეთ სამომავლო გეგმებზე და სპორტსმენებს მივულოცეთ მორიგი წარმატება რის შემდეგაც გადავეცით სუმოისტებს მადლობის სიგელები.

- ამას გარდა, ჩემს კოლეგებთან ერთად მოვინახულე ახალგაზრდული შემეცნებითი ბანაკი, რომელიც მუნიციპალიტეტის მერიამ წარმატებით განახორციელა, გავეცანი ახალგაზრდების აქტივობებს და საცხოვრებელ პირობებს.
- ვარ გორის მუნიციპალიტეტის გენდერული თანასწორობის საბჭოს წევრი, რომლის ფარგლებშიც მთელი წლის პერიოდში ვესწრებოდი სხვადასხვა სამუშაო შეხვედრებს. ასევე ვარ მუნიციპალიტეტის ტერიტორიაზე ცხოვრების(ყოფნის) ფაქტის დამდგენი კომისიისა და სამოქალაქო ბიუჯეტის საბჭოს წევრი.

აქტიურად ვარ ჩართული მუნიციპალიტეტის როგორც საკრებულოს მუდმივმოქმედი კომისიების, ასევე მერიის სამუშაო ჯგუფების საქმიანობაში. გარდა ამისა აქტიურად ვმონაწილეობ საკრებულოს ფრაქცია „ქართული ოცნება - დემოკრატიული საქართველოს“ მუშაობაში.

აღნიშნული მოთხოვნების ნაწილი მოგვარებულ იქნა, ნაწილი აისახება მუნიციპალიტეტის 2023 წლის ბიუჯეტში.

გორის მუნიციპალიტეტის საკრებულოს წევრის გიგა გელაშვილის

ამომრჩევლებთან შეხვედრის დამადასტურებელი

ოქმი

ქ.გორი

2022 წლის 27 ოქტომბერი

სხდომას ესწრებოდნენ :

საკრებულოს თავმჯდომერის მოადგილე: ბექა ლობჯანიძე;

ფრაქცია „ქართული ოცნება - დემოკრატიული საქართველო“- ფრაქციის თავმჯდომარე:
კობა ბერიანიძე;

საკრებულოს წევრი: გიგა გელაშვილი;

სხდომას ასევე ესწრებოდნენ: ქ.გორის მოსახლეობა, და საკრებულოს აპარატის უფროსი
სპეციალისტი მანანა მაისურაძე.

სხდომას თავმჯდომარეობდა: ბექა ლობჯანიძე;

დღის წესრიგი

გორის მუნიციპალიტეტის საკრებულოს წევრის გიგა გელაშვილის 2021 წლის 3
დეკემბრიდან 2022 წლის 30 სექტემბრის ჩათვლით გაწეული საქმიანობის ანგარიში

სხდომის თავმჯდომარემ დამსწრე პირებს წარუდგინა საკრებულოს წევრი გიგა
გელაშვილი და გააკეთა განმარტება, რომ საკრებულოს ყველა წევრი ვალდებულია
წელიწადში ერთხელ მაინც, არაუგვიანეს 1 ნოემბრისა, ამომრჩეველს წარუდგინონ
ანგარიში გაწეული მუშაობის შესახებ, ანგარიშის განხილვისას უპასუხონ
ამომრჩეველთა მიერ დასმულ შეკითხვებს.

სხდომის დღის წესრიგის მიხედვით სხდომის თავმჯდომარემ სიტყვა გადასცა
საკრებულოს წევრს გიგა გელაშვილს, რომელმაც დეტალურად ისაუბრა 2021 წლის 3
დეკემბრიდან 2022 წლის 30 სექტემბრის ჩათვლით განვლილ პერიოდში მის მიერ გაწეული

საქმიანობის შესახებ. აღნიშნა ის გამოწვევები და სიკეთეები რაც თან ახლდა მოსახლეობის პრობლემების მოგვარებას. მოსახლეობის მხრიდან დაისვა შეკითხვები, რომლებიც ძირითადად ეხებოდა ინფრასტრუქტურულ პროექტებს და სოციალურ პრობლემებს. საკრებულოს წევრმა გიგა გელაშვილმა აღნიშნა, რომ იგი აქტიურადაა ჩართული მუნიციპალიტეტის 2023 წლის ბიუჯეტის პროექტის შედგენის და პრიორიტეტების დოკუმენტის მომზადებაში, სადაც ასევე იქნება მოსახლეობის ის პრობლემები ასახული რომელის გაკეთებაც ვერ მოხერხდა ამ წლის ბიუჯეტიდან.

აზრი გამოთქვეს: მერაბ პაიჭაძემ, ბექა ასტამაძემ და გიორგი გომარელმა.

გადაწყვიტეს: პრობლემების გამოვლენის და აღმოფხვრის მიზნით გაიზარდოს მოსახლეობის ჩართულობა, რისთვისაც უფრო სისტემატიური ხასიათი მიიღოს საკრებულოს წევრების და ამომრჩევლების ურთიერთშეხვედრებმა და ურთიერთ თანამშრომლობამ.

სხდომის თავმჯდომარე:



ბექა ლობჯანიძე;

საკრებულოს წევრი :



გიგა გელაშვილი;